



Trwydded Radio Masnachol Analog: Ffurflen Cais i Newid Fformat

Dyddiad y cais:	2 Awst 2016
Enw'r Orsaf:	Radio Pembrokeshire
Yr ardal sydd wedi'i thrwyddedu a rhif y drwydded:	Sir Benfro (AL 272)
Deiliad y drwydded:	Haven FM Pembrokeshire Limited
Enw cyswllt:	Martin Mumford

Manylion y cais i newid Fformat

Cymeriad y Gwasanaeth <i>Llenwch yr adran hon os ydych chi'n gofyn am newid y rhan hon o'ch Fformat</i>	Cymeriad Presennol y Gwasanaeth: amh
	Cymeriad newydd arfaethedig y Gwasanaeth: amh
Trefniadau rhannu rhaglenni a/neu drefniadau cydleoli <i>Llenwch yr adran hon os ydych chi'n gofyn am newid y rhan hon o'ch Fformat</i>	Y trefniadau cyfredol: Rhannu rhaglenni: Gellir rhannu'r holl raglenni rhwng trwyddedau AL272, AL289, AL139
	Y trefniadau newydd arfaethedig: Gellir rhannu'r holl raglenni rhwng trwyddedau AL257, AL306, AL289, AL272, AL139
Oriau wedi'u gwneud yn lleol a/neu fwletinau newyddion lleol	Rhwymedigaethau cyfredol: amh

<i>Llenwch yr adran hon os ydych chi'n gofyn am newid y rhan hon o'ch Fformat</i>	Y rhwymedigaethau newydd arfaethedig: amh
--	--

Gall deiliad trwydded radio masnachol lleol analog wneud cais i Ofcom am gael newid Fformat yr orsaf. Wrth wneud unrhyw gais, dylid defnyddio'r drefn a ddangosir ar y ffurflen hon, a dylai gyd-fynd â'r gweithdrefnau y mae Ofcom wedi'u cyhoeddi ar gyfer newidiadau i Fformat (ar gael ar ein gwefan yn <http://stakeholders.ofcom.org.uk/broadcasting/radio/formats-content/changes/>)

O dan adran 106(1A) o Ddeddf Darlledu 1990 (fel y'i diwygiwyd), dim ond os yw'n fodlon bod *o leiaf* un o'r pum maen prawf statudol canlynol wedi'i fodloni y bydd Ofcom yn cael rhoi caniatâd ar gyfer newid Fformat:

- (a) *na fyddai'r gwyrriad yn newid cymeriad y gwasanaeth yn sylweddol;*
- (b) *na fyddai'r gwyrriad yn cyfyngu ystod y rhaglenni sydd ar gael ar ffurf gwasanaethau radio annibynnol perthnasol i bobl sy'n byw yn yr ardal neu'r gymdogaeth y trwyddedwyd y gwasanaeth i ddarparu ar ei chyfer;*
- (c) *y byddai'r gwyrriad yn ffafriol i gynnal neu hyrwyddo cystadleuaeth deg ac effeithiol;*
- (d) *bod tystiolaeth bod galw sylweddol ymysg pobl sy'n byw yn yr ardal neu'r gymdogaeth honno am y newid a fyddai'n deillio o'r gwyrriad, neu gefnogaeth sylweddol ganddynt iddo; neu*
- (e) *y byddai (i) y gwyrriad yn digwydd wrth i raglenni yn y gwasanaeth trwyddedig beidio â chael eu gwneud ar safleoedd yn yr ardal neu'r gymdogaeth y darperir y gwasanaeth ar eu cyfer, ond (ii) byddai'r rhaglenni hynny yn parhau i gael eu gwneud yn rhannol neu'n gyfan gwbl ar safleoedd yn yr ardal gymeradwy (fel y diffiniwyd yn adran 314 o Ddeddf Cyfathrebiadau 2003 (cynnwys lleol a chymeriad gwasanaethau)).*

Dim ond un o'r pum maen prawf hyn y mae angen ei fodloni er mwyn i Ofcom ganiatáu'r newid arfaethedig. Fodd bynnag, hyd yn oed os yw Ofcom o'r farn bod y newid arfaethedig yn bodloni un neu ragor o'r meini prawf statudol, efallai y bydd rhesymau (gan ddibynnu ar amgylchiadau penodol yr achos) pam na chaiff Ofcom roi caniatâd ar gyfer y newid arfaethedig. Gellir gweld y meini prawf ychwanegol hyn y bydd Ofcom yn eu hystyried wrth arfer y disgrisiwn hwn yn: <http://stakeholders.ofcom.org.uk/broadcasting/radio/formats-content/changes/>)

Dylai ymgeiswyr nodi bod adran 106ZA o'r un Ddeddf (fel y'i diwygiwyd) yn mynnu ei bod yn rhaid ymgynghori ar newid arfaethedig *nad yw'n* bodloni'r cyntaf neu'r olaf o'r meini prawf hyn (h.y. newid a fyddai neu a *allai* newid cymeriad y gwasanaeth yn sylweddol ym marn Ofcom, neu *nad yw'n* berthnasol i darddiad rhaglenni lleol), os ydyw i'w ystyried ymhellach o dan unrhyw un o'r tri maen prawf arall. #.

Os bydd Ofcom yn cael cais i newid Fformat a'i fod o'r farn *nad yw* maen prawf (a) neu (e) wedi'i fodloni, bydd yn gofyn am gadarnhad gan yr ymgeisydd ynghylch a yw'n dymuno bwrw ymlaen â'r cais (ac, os yw'n dymuno gwneud hynny, a yw'n dymuno newid ei gyflwyniad neu roi un yn ei le gan gofio ei bod yn rhaid ei gyhoeddi).

A fyddech cystal â nodi'r maen prawf neu'r meini prawf statudol a nodir yn adran 106(1A) o Ddeddf Darlledu 1990, a fodlonir yn eich barn chi mewn perthynas â'r cais hwn i newid Fformat, ynghyd â'r rhesymau dros hyn:

Mae'r cynigion hyn yn cyd-fynd ag adran 106 (1A)

(a) Bydd cymeriad yr orsaf yn cael ei gadw. Gan ddefnyddio technoleg darlledu 'holhti' bydd y gwasanaethau yn parhau i ddarparu newyddion lleol a gwybodaeth leol arall yn annibynnol ar wasanaethau eraill sy'n rhannu rhaglenni.

(e) Mae'r holl drwyddedau arfaethedig i rannu rhaglenni wedi'u lleoli yn ardal gymeradwy Gorllewin Cymru, ar wahân i AL139, sydd eisoes â threfniadau cydleoli a rhannu rhaglenni gyda dwy o'r pedair trwydded arall ers tro byd.

Darparwch unrhyw wybodaeth a/neu dystiolaeth ychwanegol i gefnogi'r newid(iadau) arfaethedig isod. Yn benodol, efallai y bydd yr ymgeisydd yn dymuno amlinellu sut mae'n gweld y newid arfaethedig yn cyd-fynd â pholisi cais am newid Fformat sydd wedi'i gyhoeddi gan Ofcom (<http://stakeholders.ofcom.org.uk/broadcasting/radio/formats-content/changes/>) a chanllawiau Lleolrwydd Ofcom hefyd, sy'n cynnwys ein polisi cydleoli a rhannu rhaglenni (<http://stakeholders.ofcom.org.uk/broadcasting/radio/localness/>).

Nodiadau

Gall Ofcom gymeradwyo newid o dan unrhyw un o feini prawf (b) i (d) heb ymgynghori, neu yn dilyn ymgynghoriad sy'n para llai na 28 diwrnod, os yw Ofcom o'r farn y byddai cynnal ymgynghoriad o gwbl, neu am 28 diwrnod neu ragor, yn arwain at oedi a fyddai'n debygol o niweidio buddiannau deiliad y drwydded. Gall Ofcom hefyd dynnu unrhyw wybodaeth gyfrinachol a gyflwynir gan ddeiliad y drwydded at ddibenion ymgynghori.

Fersiwn 6 – diwygiwyd Ebrill 2010

Cefndir y Penderfyniad

Mae Haven FM Pembrokeshire Ltd, trwyddedai Radio Sir Benfro, wedi gwneud cais i'r gwasanaeth hwn rannu ei oriau rhaglenni lleol â Bridge FM a Swansea Bay Radio. Mae eisoes wedi cael caniatâd i rannu oriau rhaglenni lleol â Radio Sir Gâr a Radio Ceredigion. Mae'r pum trwydded yn perthyn i Nation Broadcasting Ltd.

Rhaid i bob gwasanaeth radio masnachol lleol FM ddarlledu nifer penodol o raglenni sy'n cael eu gwneud yn lleol, ac mae hynny'n cael ei bennu yn eu Fformat. Rhaglenni sy'n cael eu gwneud yn lleol ydy'r rheini sy'n cael eu gwneud yn ardal drwyddedig gorsaf, neu lle mae Ofcom wedi cymeradwyo ardal ehangach ar gyfer yr orsaf honno, "Ardal Gymeradwy"¹. Yr "ardal gymeradwy" sy'n berthnasol i Radio Sir Benfro ydy Ardal Gymeradwy Gorllewin Cymru.

¹ <https://www.ofcom.org.uk/consultations-and-statements/category-1/radio/statement>

Byddai'r cais hwn yn newid cymeriad y gwasanaeth fel y nodir yn Fformat Radio Sir Benfro, ac yn unol â hynny does dim ond modd cytuno ar hyn os ydy Ofcom yn fodlon yng nghyswllt un o'r meini prawf statudol a nodir yn adran 106(1A) o Ddeddf Darlledu 1990 (fel y nodir uchod).

Os ydyn ni'n fodlon mewn perthynas ag un o'r meini prawf statudol, yna gallwn benderfynu a ddylid cymeradwyo'r cais ai peidio, gan ystyried ein meini prawf polisi sydd wedi cael eu cyhoeddi².

Penderfyniad

Roedd Ofcom yn fodlon mewn perthynas ag adran 106(1A)(e) o Ddeddf Darlledu 1990, ar y sail petai'r newid y gwnaed cais amdano yn cael ei gymeradwyo y byddai yn digwydd wrth i raglenni yn y gwasanaeth trwyddedig beidio â chael eu gwneud ar safleoedd yn yr ardal neu'r gymdogaeth y darperir y gwasanaeth ar eu cyfer, ond byddai'r rhaglenni hynny yn parhau i gael eu gwneud yn rhannol neu'n gyfan gwbl ar safleoedd yn Ardal Gymeradwy Gorllewin Cymru.

Mae Ofcom wedi dweud o'r blaen ein bod yn debyg o ganiatáu ceisiadau i gydleoli a/neu rannu rhaglenni pan fydd y gorsafoedd dan sylw yn yr un Ardal Gymeradwy, ar yr amod ein bod yn fodlon y bydd y gorsafoedd dan sylw yn dal i ddarparu deunyddiau lleol sy'n berthnasol i'r gwrandawyr yn eu hardaloedd trwyddedig unigol.

Yn yr achos hwn, bydd y prif elfennau o ddeunyddiau lleol – newyddion lleol, y tywydd a gwybodaeth am yr hyn sydd ymlaen – yn dal i gael eu darparu ar sail bwrpasol ar gyfer pob gorsaf.

Tachwedd 2016

² https://www.ofcom.org.uk/_data/assets/pdf_file/0024/87405/The-regulation-of-Format-changes.pdf